

# କଲସିୟ ମଣ୍ଡଳୀ ନିକଟକୁ ପାଉଲଙ୍କ ପତ୍ର କଲସିୟ କୁଲମିତାକି ପାଞ୍ଚଲ ରାଡ଼ାମାନି ଆକୁ ମୂକୁ ହାଡ଼ା

କଲସିୟ ଆକୁ ଆହିମାନେ ପାଞ୍ଚଲ ତାଣାଟି ରାଟିତି ଆକୁ ୧:୧  
□ ପାଞ୍ଚଲ ଜୀସୁ କ୍ରୀସ୍ତ ଜାର୍ନାଆଡ଼ି ୬୦ ବାର୍ଷା ତାୟୁ ଏଞ୍ଜାସି  
ରମ୍ ଗାଡ଼ାତି କାୟିଦିତା ମାଟାଟି ଈ ଆକୁ ରାଡ଼ାମାନେସି □  
କଲସିୟ ଆକୁ ତଲେ ଏପିସିୟ ଅଡ଼େ ପିଲିପିୟ ଆକୁତି କାୟିଦିତି  
ଆକୁ ଇନେରି □ ଇଟିହିଁ ପାଞ୍ଚଲ କାୟିଦିତା ମାଟାଟି ଈ ଆକୁ  
ରାଡ଼ାମାନେସି □ ଏଞ୍ଜାସି କଲସିୟ ଗାଡ଼ାତା ମାନି କୁଲମିତାକି ଈ  
ଆକୁ ରାଡ଼ାମାନେସି □ ପାଞ୍ଚଲ ଈ କୁଲମିତି ମାଟୁହା ହିଲାଆତେସି  
୨:୧ ସାମା ଝେସିମାନେ, ହାରେକା ଏମ୍ବାତି ଦାୟିପତି ମାନି କାତା  
ଏଞ୍ଜାସି ଝେସିମାନେସି □ ଏପାପୁସ୍ ଈ କୁଲମି କିହାମାନେସି ଇଟିହିଁ  
ଏଞ୍ଜାସି କଲସିୟତାସି ମାନେସି □

ପାଞ୍ଚଲ କଲସିୟ କୁଲମିତି ଏଚେକା ମିତି ଜାପୁନାରି କାତାତାକି  
ଅଣ୍ଡିମାନେସି □ ଏଞ୍ଜାସି ଈ କାତାତାକି ହାରେକା ଗାଡ଼ିକିହିଁ  
ରାଡ଼ାମାନେସି □ ଇମ୍ବାଆଁ ର ଗତି ଜୀହୁଦି କ୍ରୀସ୍ତାନା ଆମିନି ଗାଟାରି  
ଜୀହୁଦିଆଆତି କ୍ରୀସ୍ତାନା ଲକୁଇଁ ପ୍ଲୁଃଇ ମେରାତି ଜୀହୁଦି ପାଣାପାଟୁ,  
ଇଟିହିଁ ତଲୁ ଦାପିଆନି ମେରା ମାନୁଞ୍ଜି ଆହାଲି ବାଲାମାତମି  
କିହାଲି ଅଣ୍ଡିମାନେସି □ ପାଞ୍ଚଲ ବାରେକିହିଁ ଲଡ଼ାହିଲାଆ କ୍ରୀସ୍ତାନା  
ଲକୁତି କାତା ରାଡ଼ିମାନେସି, ରଅସି ଆମ୍ବାଆସି ଜିକେଏ ଆଡ଼େସି  
କ୍ରୀସ୍ତତି ପିସ୍‌ପେ ମାହାପୁରୁ ତାଣା ନେହିଁସି ଆହାଲି ଆଡ଼ଅସି ୧:୧୫-  
୨୦ ଅଡ଼େ ମାଣ୍ଡସି ବାଦିବାଦା ତଲେ ଜାପୁନି କାତା ଉଜେଏତାୟି  
୨:୮□

## ପତିତା ମାନାୟି

୧ ଜହରା କିହାନା ଆକୁତି ମାଟୁନାୟି □ ୧:୧-୨

- ୨ କ୍ରୀସ୍ତ ଚିତ୍ତାପାଣା ଅଡ଼େ ମିତି ଜାପ୍ନାରି ଖେଣ୍ଡେ ଜଲିନାୟି □  
୧:୩-୩:୪
- ୩ ନେହୁଁ କ୍ରୀସ୍ତାନା ଲକୁ ଆହାନା ନୀତାଲି ଖେହ୍ନାୟି □ ୩:୫-  
୪:୭
- ୪ ଆକୁତି ଏବକା କୁଲମିତା ପଡ଼଼ି ଆହାଲି ଇଞ୍ଜା ଜହରା ତଲେ  
ଆକୁତି ରାପ୍ନାୟି □ ୪:୭-୧୮

୧ ପାଖୁଲ, ମାହାପୁରୁତି ଅଣପୁ ତଲେ କ୍ରୀସ୍ତ ଜୀସୁତି ପାଣ୍ଡୁଆହାମାନି ସୀସୁ ଅଡ଼େ ମା ତାୟି ତିମତି □

୨ କଲସିୟତା ମାନି ମାହାପୁରୁତି ଲକୁ ଇଞ୍ଜା କ୍ରୀସ୍ତ ତାଣା ନାମାମାନି ତାୟି ତାଜିସ୍ମାକି ଆକୁ ରାଡ଼ିମାନମି; ମା ଆବା ମାହାପୁରୁ ତାଣାଟି କାର୍ମାମେହ୍ନାୟି ଅଡ଼େ ହିଡ଼ି ଜୀସୁ ମିଲୋତାକି ଆୟାପେ □

**ଜହରା ପ୍ରାତାନା**

୩ ମାମ୍ ମୁଲୋ ତାକି ପ୍ରାତାନା କିହାନା ମା ପ୍ରୁ ଜୀସୁ କ୍ରୀସ୍ତ ଆବା ମାହାପୁରୁଇଁ କାଲେଏ ଜହରା କିହିମାନମି;

୪ ଏନାଆଁତାକି ଇତିହୁଁ ମାମ୍ କ୍ରୀସ୍ତ ଜୀସୁ ତାଣା ମୀ ନାମୁ ଅଡ଼େ ମାହାପୁରୁ ଲକୁଣି ଜୀସୁନହାଁ ମାନାଣି ଖେଞ୍ଜାମାନମି □

୫ ଏତିବେଲା ନେହୁଁ କାରୁତି ସାତା ବଲୁ ମୀ ତାଣା ମୁଲୁଏ ଖାଡ଼େ, ମୀରୁ ଏଦାନି ତାଣାଟି ହୀପ୍‌କିଆଡ଼ି ବାସୁତି କାତା ଖେତେରି □ ମୀରୁ ଏନାଆଁ ବାସୁ କିଦେରି, ଏନାୟି ମୀ ତାକି ଲାକପୁରୁ ଇବକି ଆହାମାନେ, ଏମ୍‌ଆଁ ମୀ ନାମୁ ଅଡ଼େ ଜୀସୁନହାୟି ଡ଼ୟାମାନେ □

୬ ଏ ନେହୁଁ କାରୁ ମୀ ତାଣା ଖାହାମାନେ, ଇଞ୍ଜା, ଏଦି ଏନିକିଁ ବାରେ ଦାରତିତା ପାଡ଼େୟି କାମ୍‌ନା ଅଡ଼େ ପାତାଆହିମାନେ, ମୀରୁ ଆମିନି ଦିନା ଏଦାଆଁ ଖେଞ୍ଜାନା ସାତା ତଲେ ମାହାପୁରୁତି କାର୍ମା ମୋଡ଼ାଆଡ଼େରି, ଏ ଦିନାଟିଏ ମୀ ତାଣା ଜିକେଏ ଏଲେ ଆହିମାନେ □

୭ ☆ମା ତଲେ କାମା କିନି ଜୀଝୁତି ତାୟି ଏପାପ୍ରା ତାଣାଟି ମାହାପୁରୁତି କାର୍ମାମେହ୍ନି କାତା ଜାପାମାଞ୍ଜେରି; ଏଝାସି ମିଙ୍ଗେ ତାକି କ୍ରୀସ୍ତିତି ର ମାନି ତଲେ ସେବା କାମାକିନାସି;

୮ ଏଝାସି ସୁଦୁଜୀଝୁ ତଲେ ମିଙ୍ଗେ ହୀହାମାଞ୍ଜାନି ଜୀଝୁ ନଝିଆନି କାତା ମାଙ୍ଗେ ଝେସାମାଞ୍ଜାନେସି □

୯ ଇଦାଆଁତାକି ମୀ କାତା ଝେଟି ଦିନାଟିଏ ମାମ୍ବୁ କାଲେଏ ମୀ ତାକି ପ୍ରାତାନା କିହିମାନମି □ ମୀରୁ ବାରେ ସୁଦୁଜୀଝୁତି ବୁଦି ଅଡେ ତେଲ୍‌ହିନି ବାଡ଼୍‌ୟୁ ତଲେ ମାହାପୁରୁତି ବାରେ ଅଣ୍‌ପୁ ଏନିକିହି ମୀରୁ ପୁଞ୍ଜାଲି ଆଡ଼ିଦେରି, ଇଦାଆଁତାକି ମୀ ତାକି ପ୍ରାତାନା କିହିମାନମି □

୧୦ ବାରେ ଜୀଝୁତି ବୁଦିତା ପ୍ରବୁଇଁ ବାରେ ତାଣା ରାହାଁ କିୟାଲି ତାନି ଜଗେତି ମାଣ୍‌କି ତଲେ ତାକାଦୁ, ଇଚିହି ମାହାପୁରୁତି ବୁଦିତା ପାତାଆହାନା ନେହିଁ କାମାତି ପାଡ଼େୟି ଆୟାଦୁ □

୧୧ ଇଞ୍ଜା ବାରେ କାମାତା ସାସାତଲେ ଅରହାଲି ତାକି ତାନି ଗାଝୁରମି ଇଞ୍ଜା କାଜାପାଣା ତଲେ ବାରେ ବାଡ଼୍‌ୟୁଟି ବାଡ଼୍‌ୟୁ ଗାଗାତେରି ଆଦୁ,

୧୨ ଇଞ୍ଜା ଆମିନି ଆବା ମାହାପୁରୁ ଲକୁଣି ଉଜେଡ଼ି ରାଜିତା ଆଣ୍ଡାଲି ତାକି ଜଟ୍‌ଗ କିହାନା ଅଦିକାରା ହୀହାମାଞ୍ଜାନେସି, ଏଦାଆଁତାକି ଏଝାଣାଇଁ ରାହାଁତଲେ ଜହରା କିଦୁ □

୧୩ ଏଝାସି ମାଙ୍ଗେ ଆନ୍ଦେରିତି ବାଡ଼୍‌ୟୁଟି ପିସପି କିୟାତେସି ଅଡେ ତାନି ଜୀଝୁତି ମୀରୁଏଣାତି ରାଜିତା ମାଙ୍ଗେ ତାତାତେସି □

୧୪ ☆ଏ ମୀରୁଏଣି ତାଣାଟି ମାର୍‌ ଗେଲ୍‌ପି ଆହାମାନାୟି ଇଚିହିଁ ମା ପାପୁ ବାରେ ମ୍ବେପକି ଆହାମାନେ □

### କ୍ରୀସ୍ତ ଅଡେ ତାନି କାମା

୧୫ କ୍ରୀସ୍ତ ତଞ୍ଜା ଆଆଗାଟି ମାହାପୁରୁତି ତଞ୍ଜାଆନି ଝାଣା ଗାଟାସି, ଏଝାସି ନକେଏ ଜାର୍‌ନାଆଡ଼ି ମୀରୁଏସି, ଇଞ୍ଜା ବାରେ ଗାଡ଼ି ଆଡ଼ି କିହାଁ କାଜାସି,

୧୭ ତଞ୍ଜା ଆନାୟି ଅଡ଼େ ତଞ୍ଜା ଆଆଗାଟାୟି ଲାକପୁରୁ ଅଡ଼େ ଦାର୍ତ୍ତିତା ବାରେ ଏଞ୍ଜାଣି ତାଣାଟି ଗାଡ଼ି ଆହାମାନେ, ସିଂଗାସାଣି କି କାଜାପାଣା କି ଅଦିକାରା କି ସାଲୁଞ୍ଜି କିନାୟି ବାରେ ଏଞ୍ଜାଣି ତାଣାଟି ଇଞ୍ଜା ଏଞ୍ଜାଣି ତାକି ଗାଡ଼ି ଆହାମାନେ;

୧୮ ବାରେ ଗାଡ଼ି ଆଡ଼ି ନକେଏ କ୍ରୀସ୍ତ ମାଚେସି, ଇଞ୍ଜା ଏଞ୍ଜାଣି ତାଣା ଆଣ୍ଡାମାନାକି ବାରେ ଗାଡ଼ିଆଡ଼ାଇ ତାମ୍ବୁ ମୁନି ଚାୟୁତା ମାନୁ □

୧୯ ☆କ୍ରୀସ୍ତ କୁଲମି ଲେହେତି ଆଜ୍ଞାତି ତାୟି ଲେହେତିସି, ଏ ଆଜ୍ଞାତି ଜୀଞ୍ଜୁ ବାଡ଼ୁୟୁ □ ବାରେ ତାଣା ନକିତା ଆହାଲି ତାକି ଏଞ୍ଜାସି ହାଡ଼ାରି ତାଣାଟି ନକେଏ ନିଜ୍ଞାମାନେସି □

୧୯ ଏନାଆଁତାକି ଇଚିହ୍ନି ମାହାପୁରୁତି ଅଣ୍ଡୁ ଲେହେତି ମୀରୁଏସି ତାନ୍ତୁଏ ମାହାପୁରୁତି ବାରେ ମାଣ୍ଡକି ଆସା କତାମାନେସି,

୨୦ ☆ଅଡ଼େ ତାନି ମୀରୁଏଣା କୁସତି ନେତେରି\* ତଲେ ଏଞ୍ଜାସି ହିଡ଼ଡ଼ି ତାରି କିହାନା ଏଞ୍ଜାଣି ତାଣାଟି ତାନିତଲେ ବାରେ ଲକୁଣି କାଲ୍ଲନେସି, ହାଅ ଏଞ୍ଜାଣି ତାଣାଟି ଦାର୍ତ୍ତିତା ଅଡ଼େ ଲାକପୁରୁ ମାନାଣି ବାରେ କାଲ୍ଲୁଞ୍ଜି କିନେସି □

୨୧ ଅଡ଼େ ନକେଏ ର ବେଲାତା ମନତା ଲାଗେଏତି କାମା କିହାନା ମୀରୁ ମାହାପୁରୁ ତାଣାଟି ଏଟକା ଅଡ଼େ ହେକ ମାଚେରି ଇଞ୍ଜା ମନତା ତାନି ସାଡ଼ୁ ମାଚେରି,

୨୨ ସାମା ନୀଏଁ ମାହାପୁରୁ ମିଜ୍ଞେ ଜିକେଏ ତାନି ନକିତା ସୁଦୁ ଗାଟାତେରି, ନିନ୍ଦା ଅଡ଼େ ଦହ୍ ହିଲାଆଗାଟାତେରି କିହାଲି ତାନି ମୀରୁଏଣା ଆଜ୍ଞାତି ହାକି ତଲେ ମିଜ୍ଞ ତାନିତଲେ କାଲ୍ଲହା ମାଞ୍ଜାନେସି;

୨୩ ମୀରୁ ର ତୀରୁପୁ ଆଟ୍ଞା ପୁନାଦି ଲାକ ଡ଼ୟାଦୁ ଅଡ଼େ ନେହ୍ନି କାରୁ ଖେନି ବେଲାତା ଏମିନି ବାର୍ଣ୍ଣ ଇଟାମାଚେରି ଏମ୍ବାତି ଇତାଲା ଆତାଲା ଆଆଦୁ, ଆଡ଼ିହ୍ନି ସାଚେଏ ଏମ୍ବାତି ପାଡ଼େୟି ବେଟାଆଦେରି; ଏ ନେହ୍ନି କାରୁ ମୀରୁତ ଖେଞ୍ଜାମାଞ୍ଜେରି; ଏଦି ହାଗୁପାକା ଡ଼ଇ ମାନି ବାରେ ଗାଡ଼ି ଆଡ଼ିତାଣା ଏ ନେହ୍ନି କାରୁ

☆ ୧:୧୮ ୧:୧୮ ଏପିସି ୧:୨୨,୨୩ ☆ ୧:୨୦ ୧:୨୦ ଏପିସି ୨:୧୭ \* ୧:୨୦ ୧:୨୦ ନେତେରି ଇଚିହ୍ନି ମୀରୁଏଣା ହାକି

ଝେଙ୍ଗାମାନେ ଅଡ଼େ ନାନୁ ପାଞ୍ଚୁଲ ଏମ୍ବାତି ନାମୁତି ହଲେଏଣାତେଏ  
□

### କୁଲମିତା ପାଞ୍ଚୁଲତି କାମା

୨୪ ନାନୁ ମିଙ୍ଗେତାକି ଆମିନି ଦୁକୁ କସ୍ତ ବେଟାଆହି ମାଲ୍, ଏମ୍ବାଆଁ  
ନାନୁ ନୀଏଁ ରାହ୍ନାଁ କିହିମାଲ୍, ଇଞ୍ଜାଁ କ୍ରୀସ୍ତତି ଦୁକୁ କସ୍ତ ଏନାୟି  
ଡ଼ୟାମାନେ ଏଦାଆଁ ନାନୁ କୁଲମିତାକି ଆଙ୍ଗା ତଲେ ଦୁକୁ କସ୍ତ  
ଅରହାନା ରାପୁହାଲି ସାଢ଼େମି କିହିମାଲ୍ □

୨୫ ମାହାପୁରୁ ନାଙ୍ଗେ ସେବାକିନି କାମା ହେରପା ମାଞ୍ଜାନେସି,  
ଏଲେଆହିଏ ଏ କୁଲମିତି ନାନୁ ର ସେବା କିନାତେଏଁ ଆହାମାଲ୍,  
ଏନିକ୍ ନାନୁ ମାହାପୁରୁତି ବଲୁ ତୀରିତଲେ ଝେକଲ୍,

୨୬ ଏ ନେହ୍ କାରୁ ର ଡ଼ଗୁମାନି କାତା ତଲି କାଲ୍ଲା ଅଡ଼େ  
ଆକୁ ଆବାୟାଁ ତାଣାଟି ଡ଼ଗୁମାତେ, ସାମା ନୀଏଁ ତାନି ଲକୁତାଣା  
ତସାମାନେସି □

୨୭ ଜାହୁଦିଆଆତି ଲକୁତାଣା ଏ ଡ଼ଗୁମାନି ଗାଞ୍ଜୁରମିଗାଟି ଦନ  
ଏନାୟି ଏଦାଆଁ ମାହାପୁରୁ ତାନି ଲକୁତାଣା ତସାଲି ଅଣପିତେସି; ଏ  
ଡ଼ଗୁମାନାୟି ଇଦି, ମୀ ତାଣା କ୍ରୀସ୍ତ ଏଞ୍ଜାସି ଗାଞ୍ଜୁରମି ଅଡ଼େ ବାସ୍ତୁ  
ଲେହେଁତସି;

୨୮ ମାମ୍ବୁଏ କ୍ରୀସ୍ତଲ୍ ଝେକ୍ହି ମାନମି, ଇଞ୍ଜାଁ ବାରେଜାଣାଟି  
ସେଡନା ଇଞ୍ଜାଁ ବାରେ ବୁଦିତଲେ ଜାପୁହି ମାନମି, ମାମ୍ବୁଏନିକ୍  
ମାହାପୁରୁ ନକିତା ତୀରପୁତି ଲକୁ ଲେହେଁ ତାଚାଲି ଆଡିନମି;

୨୯ ଏଦାଆଁ କିହାଲିତାକି ନା ତାଣା କାମା କିହିମାନି କ୍ରୀସ୍ତ  
ହୀହିମାଞ୍ଜାନି କାଜା ବାଡ଼ୁୟୁତି ଲେମ୍ବାନା ନାନୁ ଜାଞ୍ଜୁ ତୁସାନା କାମା  
କିହିମାଲ୍ □

## ୨

୧ ମୀ ତାକି ଲାଞ୍ଜୁଦିକିୟାତି ଲକୁ ଅଡ଼େ ନାଙ୍ଗେ ସାତେଏ  
ପୁଞ୍ଜାମାଞ୍ଜଅରି, ଏ ବାରେଜାଣା ତାକି ନାନୁ ଏତେକା ଜାଞ୍ଜୁ ତୁସାନା  
କାମା କିହାମାଲ୍, ଇ ବାରେ ମୀରୁ ପୁଞ୍ଜୁ ଇଞ୍ଜାଁ ନାନୁ ଅଣପିମାଲ୍;

୨ ନା ଅଣପୁ ଇଦି, ଏନିକ୍ ଏଞ୍ଜାରି ହିୟାଁ ରାହ୍ନାଁ ଆଡନେ, ଇଞ୍ଜାଁ  
ଏଞ୍ଜାରି ସାତା ବୁଦିତି ବାରେ ଦନ ବେଟାଆହାଲି ତାକି, ଇତିହ୍

ମାହାପୁରୁଷ ଡଗ୍ମାମାନାୟି କ୍ରୀସ୍ତ, ଏଞ୍ଜାଣାକ୍ ପୁଞ୍ଜାଲିତାକି ରଥସି  
ରଥଣି ତଲେ ଜୀଞ୍ଜୁ ନଞ୍ଜି ଆନେରି □

୩ ଜୀସ୍ତୁ କ୍ରୀସ୍ତ କୁଟିକାଡ଼ି ଏନାୟି ମାହାପୁରୁଷି ବୁଦି ଅଡ଼େ ପୁନାଣି  
ଡଗ୍ମାମାନି ବାରେ ଦନ ଦେନେସି □

୪ ମିଙ୍ଗେ ଆମ୍ବାଆସି ନାଡ଼ିକିନି ଲେହେଁତି ମିତି କାତା ଖେସାନା ନାଡ଼ି  
କିୟାଆପେସି, ଏଦାଆଁତାକି ନାନୁ ଇଦାଆଁ ଖେସିମାଞ୍ଜାଇଁ □

୫ ଇଚିହଁ ନାନୁ ଆଙ୍ଗା ତଲେ ହିଲାଆତି ଜିକେଏ ନା ଜୀଞ୍ଜୁତଲେ  
ମୀ ତାଣା ମାଞ୍ଜାମାଇଁ, ଇଞ୍ଜା ମୀ ନେହଁକଁ ଜାରୁ ଆନାଣି ଅଡ଼େ  
କ୍ରୀସ୍ତ ତାଣା ତୀରପୁତଲେ ନାମାମାନାଣି ମେସାନା ରାହଁ ଆହିମାଇଁ  
□

### କ୍ରୀସ୍ତ ତାଣା ଜୀଞ୍ଜୁ

୬ ଇଚିହଁ ମୀରୁ କ୍ରୀସ୍ତ ଜୀସ୍ତୁକ୍ ପ୍ରୁ ଇଞ୍ଜା ଏନିକଁ  
ନାମାମାଞ୍ଜେରି, ଏଲେକିହଁ ଏ ଏଞ୍ଜାଣି ତାଣା ମାଞ୍ଜାନା ନୀତାଦୁ;

୭ ଏଞ୍ଜାଣି ତାଣା ଜାଣ୍ଡେ ଡୟାଦୁ, ମୀ ଜୀଞ୍ଜୁତି ତୀରିକିଦୁ ଇଞ୍ଜା ମୀରୁ  
ଜାପାମାନି ନାମୁତା ଏଞ୍ଜାଣି ତାଣା ବାଡ଼ୟୁ ବେଟାଆଦୁ □ ମୀ ହିୟା  
ଜହରା କିନାୟି ଆପେ □

୮ ସିନିକିଦୁ, ଏରେତା ଆମ୍ବାଆସି କ୍ରୀସ୍ତୁତି ଜାପୁନାୟି ଲାଗେଏତି  
ମାଣ୍ଡସିତି ପାଣାପାଟୁ ଅଡ଼େ ଦାରତିତି ମୂଲୁ ଜାପୁନି ପାଞ୍ଜି ସିନି କିନାୟି  
ଅଡ଼େ ଉଜେଏତି ନାଡ଼ିକିନି ତାଣାଟି ମିଙ୍ଗେ କାୟିଦି କିହା ଅୟାନେ;

୯ ଇଚିହଁ କ୍ରୀସ୍ତ ତାଣା ମାହାପୁରୁଷି ଗୁଣୁ ମାଣ୍ଡସି ଖାଣା ଆହାନା  
ବାସା ଆନେ □

୧୦ ଏଞ୍ଜାସି ବାରେ ସାଲୁଞ୍ଜି କିନାରି ଇଞ୍ଜା ଅଦିକାରା ବେଟାଆଡ଼ାରି  
ତାୟି ଲେହେଁ, ଇଞ୍ଜା ଏଞ୍ଜାଣି ତାଣା ମାଞ୍ଜାନା ମୀରୁ ବାଡ଼ୟୁ  
ବେଟାଆହା ମାଞ୍ଜେରି □

୧୧ କ୍ରୀସ୍ତ ତଲେ ଆଣ୍ଡିତି ଜୀଞ୍ଜୁଏ ମୀ ତଲୁ ଦାପି ଆଡ଼ି ଲେହେଁତାୟି  
□ ଏ ତଲୁ ଦାପି ଆଡ଼ାୟି ମାଣ୍ଡସି କିତାୟି ଆଏ, ଏଦି କ୍ରୀସ୍ତ ତାଣାଟି  
ଆହାମାନେ □ ଏଦି ମାଣ୍ଡସିକ୍ ପାପୁ ଆଙ୍ଗାଟି ଗେଲ୍ପି କିନେ □

୧୨ ☆ମୀରୁ ଏଚିବେଲା ବାପ୍ତିସ୍ତ\* ବେଟାଆଡ଼େରି ଏଚିବେଲା ମୀରୁ  
କ୍ରୀସ୍ତ ତଲେ ମୁସପିଆଡ଼େରି, ଇଞ୍ଜା ଆମିନି ମାହାପୁରୁ କ୍ରୀସ୍ତକ୍

ହାଡ଼ାରି ତାଣାଟି ନିକ୍‌ହେସି, ଏଞ୍ଜାଣି କାମା କିନି ବାଡ଼ୁୟୁତି ନାମାଲିଏ  
ଏ ବେଲାତା ଏଞ୍ଜାସି ମିଙ୍ଗେ କ୍ରୀସ୍ତ ତଲେ ନିକ୍‌ହାତେସି □

୧୩ ☆ମୀରୁ ଆଙ୍ଗାତା ପାପୁ ଗାଟାତେରି ଜୀହୁଦି ଆଆମାଟାଟି  
ହାହାମାତେରି, ମିଙ୍ଗେ ଜିକେଏ ମାହାପୁରୁ ତାନିତଲେ ମିଙ୍ଗେ  
ଜୀହୁ କିହାଁ ମାଞ୍ଜାନେସି, ମାହାପୁରୁ ମା ବାରେତି ପାପୁ ମ୍ବେକ୍‌ହା  
ମାଞ୍ଜାନେସି;

୧୪ ☆ଏଞ୍ଜାସି ମେରାତା ମା କପାଟି ଆମିନି ଦହ୍ ଦହ୍‌ନି ଆକୁ ମାତେ,  
ଏଦାଆଁ ଏଞ୍ଜାସି ମ୍ବେକ୍‌ହାନା ପାସି ମୁଣ୍ଡାତା କୁଟିୟାଁ ଝେଟାନା ମା  
ତାଣାଟି ହେକ କିହାମାନେସି;

୧୫ ଅଡ଼େ ଏ ପାସିମୁଣ୍ଡା ଲାକ କ୍ରୀସ୍ତ ବାରେଲେହେଁତି ବାଡ଼ୁୟୁ ଇଞ୍ଜା  
ସାଲ୍‌ଝି କିନାଆଁ ତାଣାଟି ଜାହାରାଲ୍ ପିସ୍‌ପି କିହାକତାମାନେସି ଇଞ୍ଜା  
ଏଞ୍ଜାଆଁତି ଦସ୍‌ପାନା ତାନୁ ଜୀଣାଆହାନା ହାନିବେଲାତା ବାରେ ଲକୁ  
ନକିତା ଏଞ୍ଜାଆଁତି ଲାଜା ବେଟାଆଝି କିହାମାନେସି □

୧୬ ☆ଏଦାଆଁତାକି ମୀ ତିନାୟି, ଉନାୟି, ପାର୍ବୁତାକି କ୍ବୁଗି ଲେଞ୍ଜୁ  
ପାର୍ବୁ କି ଜମିନି ଦିନାତି ଆମ୍ବାଆସି ମିଙ୍ଗେ ବିଚାରା କିୟାଆପେସି □

୧୭ ଏ ବାରେ ଝାହିମାନି ଦିନାତା ଆହାଲି ହାଜିମାନି ସାୟି  
ଲେହେଁ; ସାମା ଏମ୍ବାତି ସାତା କାତା କ୍ରୀସ୍ତ □

୧୮ ଇଞ୍ଜା ଆମ୍ବାଆସି ଜାହାରା ଉଣା ଆହାନା ଦୁରୁୟାଁ ସେବାତା  
ରାହାଁ ଆହାନା ସେୟାଣା ହାପାନା ମେସାମାନାଆଁ ପାରାନା ଅଡ଼େ  
ଦାରତିତି ଅଣ୍‌ପୁ ତଲେ ଉଜେଏ ବଡ଼ପଣ ଆହାନା ଆମ୍ବାଆସି  
ତାୟି ଲେହେଁତି କ୍ରୀସ୍ତ, ଏଞ୍ଜାଣାଲ୍ ଆହ୍‌ଆନା ମାହାପୁରୁ ବରତି  
ଏଟ୍‌କା କିୟାଆପେସି □

୧୯ ☆ଏଞ୍ଜାଣି ତାଣାଟି ବାରେ ଆଙ୍ଗା ହାୟୁଲିକା ଅଡ଼େ ଇଣାୟାଁତି  
ନେହ୍ ଆହାନା ରଣ୍ଡି ରଣ୍ଡାଣି ତଲେ କାଲ୍‌ଝି ଆହାନା ମାହାପୁରୁ  
ହୀତି ପାଡ଼ଣିତା ପାତାଆହିମାନୁ □

### କ୍ରୀସ୍ତ ତଲେ ହାନାୟି ଅଡ଼େ ନୀତିନାୟି

୨୦ ମୀରୁ କ୍ରୀସ୍ତ ତଲେ ହାହାମାଞ୍ଜେରି ଅଡ଼େ ଇ ଦାର୍ତ୍ତିତା ସାଲୁଃ କିହିମାନି ବାଡ଼୍‌ୟୁଟି ଗେଲ୍‌ପି ଆହାମାଞ୍ଜେରି □ ଆତିହିଁ ମୀରୁ ଏନାଆଁତାକି ଦାର୍ତ୍ତିତି ଲକୁ ଅଣ୍‌ପୁ ତଲେ ନୀଡ଼ିମାଞ୍ଜେରି ? ଏନାଆଁତାକି ମୀରୁ ଇଲେତି ମେରା ବାରେ ମାନି କିହିମାଞ୍ଜେରି,

୨୧ ଆତିହିଁ “ମାଣ୍‌ସି ଜାପ୍‌ହିମାନି ମେରା ଆହ୍‌ଆଦୁ, ଏଦାଆଁ ତିନାଆଦୁ, ଏଦାଆଁ ଡାଗାଆଦୁ ଦାର୍ତ୍ତିତି ଲକୁ ଲେହେଁ ଇଲେତି ପାଣାପାଟୁ ଏନାଆଁତାକି ମାନୁଃ ଆହିମାଞ୍ଜେରି ?”

୨୨ ଏ ବାରେ ଆସ୍ତି ଗାଡ଼େକା ତାଇ □ ଇଃ ଲେନ୍‌ସାରେ ଉଜେଏତାଈ ଆନୁ □

୨୩ ଏଲେତି ଜାପ୍‌ନାୟି ଜାହାରା ଅଣ୍‌ପୁଟି ସେବା କିନାୟି, ଜାହାରାଈ ଉଣା କିନାୟି ଇଞ୍ଜା ଆଙ୍ଗାତି ହାରେକା କସ୍ତ ହାହାନା ବୁଦ୍ଧିତି ଦରୁ ବେଟାଆହାମାଈ ସାମା ଏଡ଼ି ଉଜେଏତାୟି ଏଦାଆଁ ତଲେ ଆଙ୍ଗାତି ଅଣ୍‌ପୁ ରାହାଁ ଆନେ □

## ୩

୧ ମୀରୁ କ୍ରୀସ୍ତ ତଲେ ହାକ୍ରିଟି ନିଙ୍ଗା ମାଞ୍ଜେରି, ଆତିହିଁ ମାହାପୁରୁତି ଚିଃନି ଚଟତା କୁଗାମାନି କ୍ରୀସ୍ତତି ଆମିନି ବାସାଟାୟୁ, ଏ ଲାକପୁରୁ ମାନାଣି ପାରାଦୁ □

୨ ଦାର୍ତ୍ତିତା ମାନି ବାରେ କାତାତି ଅଣ୍‌ପାଆନା, ଲାକପୁରୁ ମାନାଣି ବାରେ ଅଣ୍‌ପାଦୁ □

୩ ଏନାଆଁତାକି ଇତିହିଁ ମୀରୁ ହାହାମାଞ୍ଜେରି, ଅଡ଼େ ମୀ ଜୀଃୁ ମାହାପୁରୁ ତାଣା କ୍ରୀସ୍ତ ତଲେ ଡ଼ଗୁାମାନେ □

୪ ମା ଜୀଃୁ ଲେହେଁତାସି କ୍ରୀସ୍ତ, ଏତିବେଲା ଏଞ୍ଜାସି ତଞ୍ଜାଆନେସି, ଏତିବେଲା ମୀରୁ ଜିକେଏ ଗାଃୁରମିଟି ଏଞ୍ଜାଣିତଲେ ଆଣ୍ଡାନା ତଞ୍ଜା ଆନେରି □

## ପ୍ଲୁଃଇ ଜୀଃୁ ଅଡ଼େ ପୁଃନି ଜୀଃୁ

୫ ଏଦାଆଁତାକି ମୀ ଦାର୍ତ୍ତିତି ଲାଗେଏ ପଲେଏ ତାଣାଟି ଇତିହିଁ ଦାରିକାମା, ସୁଦୁ ଆଆତି କାମା, ଲାଗେଏତି ଜୁପକା, ପେଣକା ପୂଜା କିନାୟି, ଜୁପକା ଆନାୟି, ଇ ବାରେତାକି ହାଃି କିହାଁ କତାଦୁ;



୭ ଈ ବାରେ କାମାତା ଆଣ୍ଡା ମାଞ୍ଜାନା ଆମ୍ବାଆରି ମାହାପୁରୁଇଁ ମାନି କିଅରି, ଏଞ୍ଜାରାକି ମାହାପୁରୁତି କପା ଖାନ୍ନେ;

୮ ତଲି ମୀରୁ ଜିକେଏ ଇଲେତି ପାପୁ କାମାତା ମାଞ୍ଜାନା ଏଲେକିହିଁ ନୀତିମାଚେରି □

୯ ସାମା ନୀଏଁ ମୀରୁ ଜିକେଏ ଈ ବାରେ କାତା ଇତିହିଁ, କପା, କାର୍ବି, ଇର୍ସା ଇଞ୍ଜା ମୀ ଗୁଡିଟି ନିନ୍ଦା କାତା ଅଡେ ଅପାଆଗାଟି ହାଡା ଜଲ୍ଲାଆଦୁ □

୧୦ \*ମୀ ବିତ୍ରା ମିତି କାତା ଖେସ୍ପି ଆଆଦୁ; ଏନାଆଁତାକି ଇତିହିଁ ମୀରୁ ବାରେ ପୁଃଇ ଗୁଣୁ ମାଣ୍ଡକି ପିସାମାଞ୍ଜେରି,

୧୧ \*ଅଡେ ଏଲେତି ବାରେ କାମା ପିସାନା ପୁଃନି ଗୁଣୁ ପର୍ହାମାଞ୍ଜେରି; ଏ ପୁଃନି ଗୁଣୁ ମାଞ୍ଜେ ଗାଡିକିତାଣି ଖାଣା ତଲେ ବାରେ ବୁଦି ବେଟାଆହାଲି ତାକି ପୁଃନି ଗାଡି ଆହାମାଞ୍ଜେରି □

୧୨ ଏଚେଟିଏ ଜୀହୁଦି ଲକୁ ଅଡେ ଜୀହୁଦିଆଆତି ଲକୁ, ତଲୁ ଦାପିଆତାରି କି ଦାପି ଆଆତାରି, ଏଚ୍ଚକା ରାଜିତାରି, ସ୍ୱତ୍ୱିୟାତାରି, ହଲେଏସି, ହଲେଏସି ଆଆତାସି, ଈ ବାରେତି ବିତ୍ରା ଏନି ପାର୍ଡା ହିଲେଏ, ସାମା କ୍ରୀସ୍ତ ବାରେତାକି ମାନେସି, ଇଞ୍ଜା ଏଞ୍ଜାସି ବାରେ ତାଣା ବାସା କିନେସି □

୧୩ \*ମୀରୁ ମାହାପୁରୁତି ଲକୁତେରି; ଏଞ୍ଜାସି ମିଞ୍ଜେ ଜୀହୁନହାଁନା ତାଞ୍ଜେତାକି ଆଚାମାଞ୍ଜାନେସି □ ଏଦାଆଁତାକି ମୀରୁ ହିଡଡି ହିୟାଁ, କାର୍ମାମେହନାଣି, ଉଣା ଆନାୟି, ସୁଦୁ ସୁଖାଲା ମାଣ୍ଡକି ଅଡେ ଅର୍ହିନାଣି ପର୍ଦୁ □

୧୪ \*ମୀ ବିତ୍ରା କସ୍ତ ଅର୍ହି ଆଦୁ, ରଅସି ରଅଣି କପାଟି ଏନି କାତା ଜଲିନାୟି ମାଟିସାରେ ମୀରୁ ରଅତେରି ରଅଣି ଦହ ମ୍ବେକ୍ଦୁ; ପ୍ରୁ ଏନିକ୍ ମୀ ଦହ ମ୍ବେକ୍ଦା ମାଞ୍ଜାନେସି, ମୀରୁ ଜିକେଏ ଏଲେକିହିଁ ଏ କିଦୁ □

୧୫ ଅଡେ ଈ ବାରେ ଗୁଣୁତଲେ ଜୀହୁନନାୟି ମୀ ବିତ୍ରା ମାଣ୍ଡମ୍ବେ, ଇତିହିଁ ଜୀହୁନନାୟି ବାରେ ଗୁଣୁତି ରୁଣ୍ଡି କିନେ □

୧୫ କ୍ରୀସ୍ତ ହିୟାତି ହିଡ଼ଡ଼ି ମୀ ହିୟାତି ସାଲୁଡ଼ି କିପେ □ ଇଚିହିଁ  
ଇ ହିଡ଼ଡ଼ି ତାକି ମାହାପୁରୁ ମିଙ୍ଗେ ରହେଁଏ ରଣ୍ଡିଏ ଆଙ୍ଗା ଆହାଲି  
ହାଟାମାଞ୍ଜାନେସି ଅଡ଼େ ବାରେବେଲା ମୀରୁ ମାହାପୁରୁଇଁ ଜହରା  
କିଦୁ

୧୬ ☆କ୍ରୀସ୍ତତି ବଲୁ ହାରେକା ମୀ ହିୟାତା ତୁୟାପେ; ବୁଦିତଲେ  
ମୀରୁ ରଅତେରି ରଅଣାଇଁ ହାରେପୁରେ ଜାପୁହାନା ସେଡ଼ନା  
ହୀପକିଆଦୁ, ଇଞ୍ଜା ମୀ ସୁଦୁଜୀଝୁ ତଲେ ମାହାପୁରୁଇଁ ଜହରା କିହିଁ  
ହିୟା ତଲେ ପାରୁ ପାଟାଦୁ □

୧୭ ଅଡ଼େ ମୀରୁ କାତାତାକି କାମାତା ଏନାଆଁ କିଦେରି, ଇଚିହିଁ  
ଏ ବାରେ ପ୍ରବୁ ଜୀସୁ ଦରୁତଲେ କିହାନା ଏଞ୍ଜାଣି ଦରୁତଲେ ଆବା  
ମାହାପୁରୁଇଁ ଜହରା କିଦୁ □

### ପୁଃନି ଜାଝୁତା ଆଣ୍ଡିନାୟି

୧୮ ☆ଏ ତକ୍ରିସିକାତେରି, ମୀରୁ ମୀ ତକ୍ରାୟାଣି ମାନି କିଦୁ,  
ଏନାଆଁତାକି ଇଚିହିଁ ମୀରୁ ପ୍ରବୁ ତାଣା ଆଣ୍ଡାମାନାକି ଏଲେ  
କିନାୟିମାନେ □

୧୯ ☆ଏ ତକ୍ରାୟାତେରି, ମୀରୁ ମୀ ତକ୍ରିସିକାଣି ଜାଝୁନଦୁ,  
ଏଞ୍ଜାସିକାଣି ହରେଲଣିସିକା ଲେହେଁ ଲେମ୍ବାନା ଦୁକୁ ହୀଆଦୁ □

୨୦ ☆ଆଡ଼େ କକାରି ପଦାୟାତେରି, ବାରେ କାତାତା ତାଲି ତାଞ୍ଜିତି  
କାତା ମାନୁଡ଼ି ଆଦୁ, ଏନାଆଁତାକି ଇଚିହିଁ ଇଦି ମାହାପୁରୁ ନକିତା  
ରାହାଁଟି ଲେମ୍ବିନାୟି □

୨୧ ☆ଏ ତାଲି ତାଞ୍ଜିତେରି, ମୀ କକାରି ପଦାଁଣି କାର୍ବି କିଆଦୁ,  
ଏନିକିଁ ଏଞ୍ଜାରି ନୀରାସା ଆଅରି □

୨୨ ☆ଏ ହଲିୟାଙ୍ଗାତେରି, ମାଣ୍ଡିଇଁ ରାହାଁ କିନିଲେହେଁ ଦାରୁତିତି  
ସାଝୁକାରିୟା ନକିତା ଏ କାମା କିଆଦୁ, ସାମା ମାହାପୁରୁଇଁ ଆକାନା  
ହିୟାତି ସୁଦୁ ମାଣ୍ଡିକି ତଲେ ବାରେ କାମାତା ଏଞ୍ଜାରାଇଁ ମାନୁଡ଼ି ଆଦୁ  
□

☆ ୩:୧୬ ୩:୧୬ ଏପିସି ୫:୧୯,୨୦ ☆ ୩:୧୮ ୩:୧୮ ଏପିସି ୫:୨୨; ୧ପିତ ୩:୧

☆ ୩:୧୯ ୩:୧୯ ଏପିସି ୫:୨୫; ୧ପିତ ୩:୭ ☆ ୩:୨୦ ୩:୨୦ ଏପିସି ୬:୧ ☆ ୩:୨୧

୩:୨୧ ଏପିସି ୬:୪ ☆ ୩:୨୨ ୩:୨୨ ଏପିସି ୬:୫-୮

୨୩ ମୀରୁ ଏନି କାମା କିତି ଜିକେଏ ପ୍ରବୁକି କିନିଲେହେଁ ହିୟାଁ ତଲେ କିଦୁ, ମାଣ୍ଡସିୟାଁ ତାକି କିନିଲେହେଁ କିଆଦୁ;

୨୪ ପ୍ରବୁ ତାନି ଲକ୍ଷୁତାକି ଇଟାମାନି ଦାନା ମିଜେ ହିୟାନେସି ଇଞ୍ଜି ପୁଞ୍ଜାମାଞ୍ଜୁ, ଏନାଆଁତାକି ଇଚିହିଁ କ୍ରୀସ୍ତଏ ମୀ ସାତା ପ୍ରବୁ ଆମ୍ବାଆରି ସେବା କିହିମାଞ୍ଜେରି □

୨୫ ☆ଇଚିହିଁ ଆମ୍ବାଆସି ଲାଗେଏ କାମା କିନେସି ଏଞ୍ଜାସି ଲାଗେଏ କାମାତି ପାଡେୟି ବେଟାଆନେସି, ଇଚିହିଁ ମାହାପୁରୁ ଲକ୍ଷୁତି ପାଡ଼ତା ବାଚି କିଆନା ନୀହାୟି କିନେସି □

### ୪

୧ ☆ଏ ସାଞ୍ଜୁକାରିୟାଁତେରି ଲାକପୁରୁ ମୀ ସାଞ୍ଜୁକାରି ମାନେସି ଇଞ୍ଜି ପୁଞ୍ଜାନା ମୀ ହଲିୟାଙ୍ଗାଙ୍ଗି ଜୀଞ୍ଜୁନହାଁନା ନେହଁକିଁ ଲେମ୍ବାଦୁ □

#### ଜାପ୍ନାୟି

୨ କାଲେଏ ପ୍ରାଡାନାତା ରଣ୍ଡିଏ ଅଣପୁ ତଲେ ମାଞ୍ଜୁ, ଅଡ଼େ ମାହାପୁରୁଇଁ ଜହରା କିହିଁ ଏମ୍ବାଆଁ ଜାଗ୍ରାତା ମାଞ୍ଜୁ;

୩ ମାଜେତାକି ଜିକେଏ ପ୍ରାଡାନା କିଦୁ, ଏନିକିଁ ନେହଁ କାରୁତି କାତା ଝେକ୍‌ହାଲି ମାହାପୁରୁ ମାଜେତାକି ଦାରା ଦେତାନେସି □ କ୍ରୀସ୍ତତି ଆମିନି ଡଗୁମାନି କାତାତାକି ନାନୁ ନୀଏଁ କାୟିଦି ଇଲୁତା ମାଞ୍ଜି □

୪ ନାନୁ ଝେକ୍‌ନାଟି ନେହଁକିଁ ପୁଣ୍ଡିକିନିଲେହେଁ ଝେକ୍‌ହାଲି ଆଡ଼ିଇଁ ଇଞ୍ଜି ନାଜେତାକି ପ୍ରାଡାନା କିଦୁ □

୫ ☆ପାଗାତି ନେହଁକିଁ ଲେମ୍ବାନା ନାମାଆତି ଲକ୍ଷୁ ତାଣା ବୁଦିତି ମାଣକି ତଲେ ଲେମ୍ବାଦୁ □

୬ ମୀ ବଲୁ କାଲେଏ ନେହାୟି, ଅଡ଼େ, ଅଣ୍ଡିନାୟି, ଅଡ଼େ ହାରୁ ଲେହେଁ ମୀରୁ ଏନିକିଁ ବାରେଜାଣାତି ସାତା କାତା ଝେସାଲି ଆଡ଼ିଦେରି ଏ କାତା ମୀରୁ ପୁନାୟିମାନେ □

#### ରାନି ଜହରା

୭ ✨ ପ୍ରଭୃତି କାମାତା ନା ତଲେ ନାମୁଟି ସେବା କାମା କିନି ଜୀଝୁତି ତାୟି ତୁକିକ, ନା ବାରେ କାତା ମିଙ୍ଗେ ଝେସ୍ତାନେସି;

୮ ଏଦାଆଁତାକି ନାନୁ ଏଝାଣାଇଁ ମୀ ତାଣା ପାଣ୍ଡାତେଏଁ, ଏନିକିଁ ମୀରୁ ମା ବାରେ କାତା ପୁଞ୍ଜାଲି ଆଡ଼ିଦେରି, ଇଞ୍ଜା ମୀ ବାରେତି ହିୟାଁ ଏଝାଣି ତାଣାଟି ରାହାଁ ବେଟାଆନେ □

୯ ✨ ଏଝାଣିତଲେ ନାନୁ ନାମୁତା ଜୀଝୁତି ତାୟି ଅନିସିମଇଁ ପାଣ୍ଡାତେଏଁ, ଏଝାସି ମୀ ବିତ୍ରାଟି ରଅସି, ଏଝାରି ଇମ୍ବାଆଁ ଆହିମାନି ବାରେ କାତା ମିଙ୍ଗେ ଝେସ୍ତାନେରି □

୧୦ ✨ ନା ତଲେ କାୟିଦିତା ମାନି ଆରିସ୍ତାର୍କ ଅଡ଼େ ବର୍ନବା କୁଟମିତି ତାୟି ମାର୍କ ଏଝାରି କାତା ମୀରୁ ହୁକୁମି ବେଟାଆହାମାଞ୍ଜେରି; ମାର୍କ ମୀ ତାଣା ଝାଡ଼ିସାରେ, ଏଝାଣାଇଁ ଆବାଦୁ, ଏଝାରି ମିଙ୍ଗେ ଜହରା ଝେସି ମାଞ୍ଜାନେରି,

୧୧ ଅଡ଼େ ଜୁସ୍ତ ଦରୁଟି ଝେଜିତି ଜୀସୁ ମିଙ୍ଗେ ଜହରା ଝେସିମାଞ୍ଜାନେସି, କ୍ରୀସ୍ତ ଦାମ୍ଭୁତି ଆବାମାନି ଇ ତାନିଜାଣା ଜୀହୁଦି ବିତ୍ରାଟି ମାହାପୁରୁ ରାଜିତାକି ନା ତଲେ କାମାକିନାରି, ଏଝାରି ନାଙ୍ଗେ ହାରେକା ସାୟେମି କିହାମାଞ୍ଜାନେରି □

୧୨ ✨ ଏପାପା ମୀ ବିତ୍ରାଟି ରଅସି, ଏଝାସି ମିଙ୍ଗେ ଜହରା କିହିମାଞ୍ଜାନେସି, ଏଝାସି କ୍ରୀସ୍ତ ଜୀସୁତି ର ହଲେଏସି ଇଞ୍ଜା ତାନୁ ପ୍ରାତାନା କିନାଟି ବାରେବେଲା ମିଙ୍ଗେ ତାକି ପ୍ରାତାନା କିହିମାନେସି, ଏନିକିଁ ମୀରୁ ନାମୁତା ନେହାଁତେରି ଆହାନା ମାହାପୁରୁତି ବୁଦି ଅଡ଼େ ଅଣ୍ଡୁତି ତୀରେ ପୁଞ୍ଜାନା ଝୀତାଆନା ମାଞ୍ଜେରି □

୧୩ ଇଚିହଁ ଏଝାସି ମିଙ୍ଗେତାକି ଇଞ୍ଜା, ଲାଝୁଦିକିୟା ଅଡ଼େ ହିଏରାପଲିତା ମାନାରି ତାକି ହାରେକା କସ୍ତ ବେଟାଆହଁ କାମା କିହାମାନେସି, ଏଝାଣି ତାକି ନାନୁ ଇ ସାକି ହାହିମାଞ୍ଜାଇଁ □

୧୪ ✨ ମା ଜୀଝୁତି ତାଙ୍କାଦର ଲୁକ ଅଡ଼େ ଦିମା, ମିଙ୍ଗେ ଜହରା ଝେସିମାଞ୍ଜାନେରି □

✨ ୪:୭ ୪:୭ କାମା ୨୦:୪; ୨ତିମ ୪:୧୨ ✨ ୪:୭ ୪:୭ ଏସିସି ୭:୨୧,୨୨ ✨ ୪:୯ ୪:୯ ପିଲିମ ୧:୧୦-୧୨ ✨ ୪:୧୦ ୪:୧୦ କାମା ୧୯:୨୯; ୨୭:୨; ପିଲିମ ୧:୨୪; କାମା ୧୨:୧୨,୨୫; ୧୩:୧୩; ୧୫:୩୭-୩୯ ✨ ୪:୧୨ ୪:୧୨ କଲସି ୧:୭; ପିଲିମ ୧:୨୩ ✨ ୪:୧୪ ୪:୧୪ ୨ତିମ ୪:୧୧; ପିଲିମ ୧:୨୪; ୨ତିମ ୪:୧୦; ପିଲିମ ୧:୨୪

୧୫ ଲାଞ୍ଜୁଦିକିୟାତା ମାନି ତାୟି ତାଙ୍ଗିସ୍ତା, ତାଙ୍ଗି ନୁମ୍ପା ଅଡ଼େ ତାନି  
ଇଲୁତା ମାନି କୁଲମିତି ମା ଜହରା ଖେହ୍ଦୁ □

୧୬ ଅଡ଼େ ମୀ ତାଣା ଇ ଆକୁ ପଡ଼଼ି ଆଡ଼ି ତାୟୁ ଲାଞ୍ଜୁଦିକିୟା  
କୁଲମିତା ଜିକେଏ ଏନିକ୍ ପଡ଼଼ି ଆନେରି, ଇଞ୍ଜା ଲାଞ୍ଜୁଦିକିୟାଟି  
ଆମିନି ଆକୁ ଖାନେ ଏଦାଆଁ ମୀରୁ ଜିକେଏ ପଡ଼଼ି ଆନେରି  
ଏଦାଆଁତାକି ଜାଗ୍ରାତା ଆଦୁ □

୧୭ ☆ଆକ୍ ପପଇଁ ଖେହ୍ଦୁ, “ନୀନୁ ଆମିନି ପ୍ରବୁତି ସେବା କିନି  
ପାଣା ବେଟାଆହାମାଞ୍ଜି ଏଦାଆଁ ରାପ୍‌ହାଲି ଜାଗ୍ରାତା ମାନାମୁ □”

୧୮ ନୀନୁ ପାଞ୍ଜୁଲ, ନା କେୟୁତଲେ ଇ ଜହରା ରାଡ଼ିମାଇଁ, ନା  
କାୟିଦିତା ମାନାଣି ଅଣ୍ପାଦୁ, ମାହାପୁରୁତି କାର୍ମାମେହ୍‌ନାୟି ମୀ  
ବାରେତାକି ଆୟାପେ □

## ପୁସ୍ତକ ଶିକ୍ଷା

### **The New Testament the Kusaal language (Ghana)**

copyright © 1996 Wycliffe Bible Translators, Inc.

Language: Kusaal (Kuvi)

Contributor: Wycliffe Bible Translators, Inc.

## ପୁସ୍ତକ ଶିକ୍ଷା,

କୁସାଲ ପୁସ୍ତକ ଶିକ୍ଷା, 2020

The New Testament in Kuvi Language

The Word for the World International

All rights reserved.

2025-05-08

---

PDF generated using Haiola and XeLaTeX on 8 May 2025 from source files

dated 8 May 2025

c688c8bf-38ac-5c00-90bd-6e4eaa165a20